

TE HEHEURAA API



ME 1940

TE MAU API NO TE RAAU ORA TE AHURU MA HOÊ O TE API

EITA te hanahana tiretiera e noaa i te tane e a ore râi te vahine ia taa-ê raua. Eita atoa te îraa o te tino, te oaoa, te hanahana e te mau basileia e noaa ia vai hoê noa te tane e te vahine. Te faaite mai nei te natura, te mau hinaaro e te huru mau o te taata i te reira, e ua faatiahia e ua haamo'ahia te reira e te reo o te Atua. Ua hamanihia te vahine no te tane e ua faatia te Atua i te oro'a no te faaipopora. E tia ia ravehia te reira oro'a i raro a'e i te faatereraa o te Atua. E mea tia roa ia tuu te Metua o te taata nei i ta'na parau i roto i te faaipopora tino nei o ta'na mau tamarii. No te rahi o te mau hopea tei roto i te reira oro'a, e mea tia roa ia haapao te Faatere rahi i te reira, e ia faaafaro i te reira no te maitai o na pae e piti, te maitai o te amuiraa taata, e no te maitai o te huaai i roto i teie nei ao e no te ora mure e haere mai nei.

Te titau nei te mau mea otane e te mau mea ovahine, i roto i te ao nei, ia amuihia ratou, e ua tia roa te reira. Area râ, ia ore te ture no te faatereraa i te reira, e tupu ia te anoi noa, e te hopea o te reira o te oto ia, te ati e te pohe hoi. Ua riro te faaipopora ei tufaa i roto i te ohipa pae faaroo. E oro'a mo'a hoi te reira, ia ravehia te reira ma te tura. Te faaipopora matamua tei faaitehia, ua ravehia ia e te Atua. O te Atua tei parau e, *E ere ia i te mea maitai ia parahi noa Adamu oia ana'e ra.* O te Atua tei afai mai ia Eva e tei horoa ia'na ia Adamu, e o te Atua hoi tei faaue atu ia raua, tei riro ei hoê, *ia fanau e ia rahi.*

Te faaipopora, ia ravehia ma te afaro, e ia ore ia rave inohia i roto i to'na huru, e riro ia ei mea mo'a e te viivii

ore. Te parau e, ua hau atu te parahi taa noa i te mo'a i te faaipoiporaa, e ua hau atu i te mo'a, i mua i te ra'i, te tane e te vahine te parahi-taa-noa, e hape rahi roa ia te reira tei ore roa i faatiabria e te feruriraa e te heheuraa. Eita te hoê o te mau mea o te mana'o e te mau tufaa o te tino e riro ei mea ino e te viivii ia ravehia i roto i te tia, area, ia rave tatou i to tatou mau mana na roto i te hape, o te reira ia te mea ino.

Te faaipoiporaa matamua tei papaihia i roto i te mau parau mo'a o te faaipoiporaa ia o na taata tahuti ore. A faaotihia'i to raua oro'a, aita â i parauhia te parau no te pohe. Aita e hara i te reira taime, no reira, aita atoa e poheraa. Ua riro atura te tane e te vahine ei mea mure ore, e ua horoahia ia raua te mana i nia i te mau mea atoa i nia i te aonei. Ua tae mai te pohe e te ture a te tane i nia i te vahine ei hopea no te hi'araa. Ua aufauhia te utu'a, ravehia'tura te ohipa no te faaoraraa, e na roto i te taraehara ua faaho'ihia, i teie na taata toopiti, to raua huru matamua ra.

Ia tae i te tia-faahou-raa, e haere mai Adamu raua o Eva mai i te haamataraa i roto i te ô, e i reira eita raua e faataa-faahou-hia. E taati-faahou-hia raua, eiaha râ mai te huru o na varua tei ore roa i ite i te mana e te huru o te taata, e haere mai râ raua mai te tane e te vahine tei taati-mure-ore-hia e ma te mana ia fanau e ia rahi, ia noaa ia raua te basileia ma te mure ore i mua ia raua no te raveraa i te mau mana i horoahia na raua e te Atua no te pae varua, te pae o te feruriraa, e te pae tino hoi ei aratai i te fetii taata atoa tei haamaitai-roa-hia na roto i te raveraa e te haapaoraa i te ture mure ore, e tei ineine i te rave i te ohipa e te mau ite no te firetiera, e ia faatere i nia i to raua hui tamarii e a muri noa'tu.

O te reira te huru a te hoê faaipoiporaa, aita i ravehia no te hoê taime ana'e, no te mure ore râ. Tae maira te pohe e haapeapearaa noa iho. Aita te taatiraa o te faaipoiporaa motu. No te ra'i te titiro i titirohia'i raua ra, e e tae to'na mana i ô atu i te parurn, e e tae atoa to'na puai i roto i te ao e haere mai nei. Aita to te reira e hopea. Te vai ra te ma o te Atua i roto i te reira, e na'na hoi te titiro tei haamana i te reira e a muri noa'tu. Te mau faaipoiporaa tei ravehia mai te reira e i raro a'e i te reira mau ture, e noaa i

ia r
faat
e, n
o te
mau
raa
o te
aura
ri no
iho
resic
rea
â m
na e
Te
i to
na n
faaa
te m
fafai
i faa
ra'i,
nara
huas
ao i
ipoip
te ut
Ai
maoi
hipa
vai r
aore
area,
ei ma
koro
roa't
mau
vai ta
i te f
i roto
huru
reraa
o te t
re ore

ia ratou te reira mana. Te mau oro'a te ravehia e te feia tei faatoro'ahia no te reira, ua au ia to ratou mana mai te mea e, na te Atua iho i rave. O tei farii ia outou, na farii ia ia'u, o te parau ia a te Fatu. *Ta ratou e haamau i raro nei, e haamau-atoa-hia ia i te ao.* O te mana te reira no te Autahu'araa mo'a, e o te reira atoa te mana titiroraa no te l'eia Mo'a o te Atua, e o te reira ia te ravea e ô ai ratou i roto i te faaauraa mo'a o te faaipoiporaa no te pae varua te vai e a muri noa'tu. Ua mauhia te taviri no te reira mana e te hoê noa iho taata i te taimé hoê, e ua tuuhia'tu te reira i nia i te **Pe**-resideni o te Ekalesia atoa o te Atua i roto i te tino nei. A-rea râ, a mau ai oia i te reira mau taviri, e tia i te tahi atu â mau taata ia rave i te reira ohipa i raro a'e i to'na ra mana e ta'na faatereraa.

Te mau amuiraa tei ravehia e te tane e te vahine na roto i to ratou iho mau hinaaro, ma te faatia-ore-raa-hia e te mana mau, ua riro ia ei mea mure noa. E tae te hopea o taua faaauraa ra ia pohe te hoê o raua. Eita te Atua e ite mai i te mea tei ore i faauehia e ana. Eita roa te mau oro'a e te fafauraa o te tane e te vahine, tei ravehia e te taata tei ore i faatoro'ahia e te Atua no te reira ohipa, e fariihia i nia i te ra'i, e riro râ te reira no te ao ana'e e no te hoê tau. Te manaraa o na metua, tei taatihia mai te reira, i nia i to raua huaai, no te ao ana'e ia, e eita te reira e tae atu no te mau ao i ô atu. E faaore te pohe i te reira mau taatiraa o te faaipoiporaa e no te metuaraa, e i reira e moe ê te mau melo o te utuafare.

Aita roa e mana e vai nei no te taati-faahou-raa ia ratou, maori râ o te Atua ana'e, e no te mea te rave nei Oia i te ohipa mai te au i te ture, e aita hoi taua ture i haapaohia, e vai noa te taa-ê-raa e a muri noa'tu. *I te tia-faahou-raa ra, aore ia e faaipoiporaa, aore hoi e horoaraa ia faaipoipohia,* area, i roto i te huru faaorahia, mai te mau melahi, e riro ia ei mau varua raverave, e a ore râ, ei tavini no tei farii i te korona no te ora mure ore, o te hoê ia huru hanahana tei hau roa'tu i te rahi e te mure ore, *i te huru tei tuuhia i nia i te mau melahi.* E tia i te tane e te vahine ia faaorahia i to raua vai taa-ê-raa, area râ, eita e roa ia raua te teiteiraa i roto i te îraa o te hanahana tiretiera, maori râ ia amuihia raua i roto i te faaipoiporaa tiretiera, no te mea o te reira ia te huru mau o te îraa o tei amuihia i te mau horoaraa **no te haereraa** i mua, e tei reira te raveraa i te mau mana mure ore o te tane e te vahine tei amuihia ei hoê i roto i te fafau mure ore.

I roto i te faatereraa o te ra'i, mai te au i to te fenua nei, ua riro te tane *ei upoo no te vahine*, e ua papaihia e, o oia te faaora no te tino. Area râ, aita râ te tane i taa-ê i te vahine, e aita atoa te vahine i taa ê i te tane i te Fatu nei. O Adamu na tei hamanihia e o Eva i muri iho. I roto i te tia-faahou-raa e tia apipiti raua a mau atu ai i te mau mana atoa. O te taata tei haavî i te mau mea atoa, e mea tia roa ia farii oia i te mau mea atoa, e ia farii oia i ta'na vahine tei tia faahou e ia amui raua no te fariiraa i te mau oaoa.

I reira to tatou Metua Mure Ore e faahanahanahia'i e e faarahihia'i to'na mana. Na roto te tupuraa o te huaai o te feia parau-tia e a muri noa'tu, te rahiraa o ta'na mau tamarii tamaroa e ta'na mau tamarii tamahine, e faatupu te reira i te hinaaro no te tahi mau ao apî, ia hamanihia mai te au i te mau ture mure ore, ia parahi ratou i roto i te ao ei parahiraa no te mau varua, te mau tino e te mau varua hau ê mai te au i to ratou mau tiaraa i nia i te e'a o te haereraa i te îraa o te haapaoraa tiretiera ra; i faataahia ratou ei ao maramarama, ei ao tamataraa e no te faautu'araa, mai te vahi e au no ratou na roto i te mau ao tai'o-ore-hia tei faatupuhia e to tatou Metua Mure Ore ra.

I roto i te haapaoraa i Ta'na mau ture e poaa te hau i tei nei e te oaoa a muri atu. O te mau feia tei au maitai ia'na, e au ia ratou i te tumu o te mau oaoa e te mau mana. E itehia ta'na mau faaueraa i roto i te ora hopea ore, e te feia te patoi Ia'na e ta'na mau haapiiraa e tamau ia ratou i te uputa ia ratou iho no te oaoa e te haereraa i mua. Area râ, no ratou o te farii i ta'na Evanelia e tei haapao i ta'na mau faaueraa e ta'na mau haapiiraa, ua mahiti ia te uputa no te vahi teitei roa a'e i roto i te fare o te ra'i ra, e i to ratou faatururaahia i roto i te e'a o te oraraa nei, te noaa ra ia ia ratou te mau hanahana o taua huru e i reira e haamaitai-roahia'i te auraa o te utuafare, e i reira e horoa-atoa-hia'i te mau mana o te tino o te tamâhia e te faarahihia i roto i to'na vairaa mau ia tae noa'tu ia noaa te îraa o te oaoa, tataitahi, i roto i te utuafare fetii o te taata nei, e te hanahana no te faatere, e te Patereareha e te Arii o te taatoa.

*Papaihia e C. W. Penrose, te hoê Aposetolo
Faauhia ei reo Tahiti e K. R. Stevens
Peresideni Misioni*

EDITORIALE

EHAHA tei mua ia tatou nei? Te vai ra vetahi mau mea ta tatou i ite, e te vai atoa ra vetahi mau mea tei ore i itehia e tatou. Aita tatou i ite tei roto tatou i te hoê tama'i rahi, e a ore râ, e vai te hau i rotopu ia tatou i na matahiti rii i mua nei. Ua ite râ tatou e, e tupu mau â te mau parau a te mau peropheta.

Aita tatou i ite tei roto tatou i te hoê tau o'e, e a ore râ, i te tau auhuneraa maitai i te tahi tau i mua, area râ, ua ite tatou e, o ratou te haapao i te mau faaueraa a te Atua, e ooti ia ratou i te utu'a maitai no te haapaoraa, e o te ore e haapao i te reira, e farii ia ratou i te hoê utu'a e au i ta ratou haapao-ore-raa.

Aita tatou i ite e, o vai te taata te faaite mai e, ua here, e a ore râ, ua faaino mai ia tatou—te huru o te mau haapiiraa e a'ohia mai e te taata—te rahiraa o te tiamâ e vaiihohia no tatou—e ora anei tatou i roto i te ao tei hau roa'tu i te haamaramamahia e te Varna, e a ore râ i te poiriraa o te Varna—Ua ite papu roa râ tatou e, e ore roa te mau opuaraa o te Atua e ore i te tupu—e mou te ra'i e te fenua, e ore roa râ Ta'na parau e mou.

Noa'tu te mau mea te tupu a muri atu, ua ite papu roa tatou e, e mea maitai roa ia itehia tatou, e to tatou mau utuafare, i rotopu i te feia faaroo no te Ekalesia a Iesu Mesia. E parau mau atoa teie no to tatou mau hoa atoa, to tatou mau fetii, te apî e te ruau, te mau taata atoa, noa'tu te fenua e te vahi i parahihia e ratou.

Area te reira mahana e te reira hora, e ore roa te hoê e ite; e ore hoi te mau melahi o te ra'i, e ore atoa te Tamaiti, maori râ o te Metua ana'e ra. E haapao maitai, e faaitoito, e e pure, aita hoi outou i ite i taua tau ra. E tena na, e faaitoito atoa outou; aore hoi outou i ite i te hora e tae mai ai te taata fare, ei te ahiahi ra, ei te tuiraa po, ei te aaoaraa moa ra, ei te poipoi: o te puooi noa mai oia, e roohia mai ua taoto outou. (Mareko 13:32, 33, 35, 36)

TE PARAU AUTAHU'ARAA

No te Ava'e TIUNU

TE MAU TAATA TUIROO O TE BIBILIA

E MAU UIRAA

1. O vai teie taata? 2. Eaha to'na toro'a? 3. Eaha te huru o to'na maitiraahia? 4. I hea ta'na ohipa i ravehia'i? 5. Eaha te ohipa i oti ia'na? 6. Ua mauruuru anei te mau taata ia'na? 7. Ua mauruuru anei te Atua ia'na? 8. E manuia anei tatou ia pee tatou ia'na? A tatarā mai.

- Tiunu 2. PHILIPA. Mataio 10:3; Luka 6:14; Ioane 1:43-46; 6:5, 7; 12:21, 22; 14:8, 9.
- Tiunu 9. BARETOLOMEA. Mataio 10:3; Mareko 3:18; Luka 6:14; Te Ohipa 1:13.
- Tiunu 16. MATAIO. Mataio 9:9-13; Mareko 2:14-17; Luka 5:27-32.
- Tiunu 23. TOMA. Mataio 10:3; Mareko 3:18; Luka 6:15; Te Ohipa 1:13; Ioane 11:16; 14:5; 20:24, 28; 21:2.
- Tiunu 30. E haapii atu i te paran no na Haapii Hahaere no te ava'e i mua, mai tei papaihia i roto i te ve'a no Tiunu.

Na Te Mau Maapii Mahaere na te Mau Utuafare

Inaha, amene, amene, e parau atu vau ia outou, e ara e e pure hoi ma te tuutuu ore e tia'i; ia ore outou ia roohia i te rāmā, i hinaaro na hoi Satane ia outou, ia ueue oia ia outou mai te sitona e ueuehia ra.

E pure i roto i to outou mau fetii i te Metua na roto noa i to'u ra i'oa, ia haamaitaihia ta outou mau vahine e te mau tamarii hoi. *III Nephi 18: 18, 21.*

Te titauhia nei te Feia Mo'a ia amui-pinepine-ratou i roto i to ratou iho mau utuafare no te pure, e no te ani atu, ma te faaroo, i te Metua ia tauturu i to ratou oraraa i raro nei.

I te mau utuafare o ratou tei ore i tamau i te pure fetii i te rui e i te poipoi atoa, e riro te paraparauraa no nia i te pure ei faaitoitoraa e ei faufaa no ratou e ei faaiteraa i te ravea ia noaa mai te mau haamaitairaa e te mau tautururaa no ô mai i te Atua ra.

E ani, e horoahia mai ta outou; e imi, e ite'ia ia outou; e patoto atu, e i-ritihia mai te opani.

TE SOTAIETE VAHINE TAUTURU

No te Ava'e TIUNU

Iravā tamau aau: Mosia 2: 17

E inaha, e faaite atu vau ia outou na i taua mau mea nei, ia ite outou i te paari; ia ite hoi outou e, a tavini ai outou i te taata nei, te tavini ra ia outou i to outou Atua ra.

Mahana Maha (Matamua)

Mahana iritiraa mana'o e te himene na te mau tuahine.

Parau tumu no na Tuahine Hahaere: Te Ohipa a te Metua

A tamata ana'e tatou ia itoito atu â i te haapiiraa i ta tatou mau tamarii i te e'a e tia ia rave no teie oraraa nei. A haapii atu tatou ia ratou na roto i ta tatou iho mau raveraa e na roto atoa hoi i te parau. Eaha te huru o te rahi o ta tatou ohipa no te haapaoraa i ta tatou mau tamarii!

Mahana Maha (Piti)

Te Arii ra o BENIAMINA

Ua î taua arii ra o Beniamina i te faatereraa i to'na ra hau. Ua rave oia i te ture na roto i te parau-tia e te aroha. E mea auraro oia i te Atua e ua here mau oia i to'na ma taata. Ua imi oia i te mau ravea atoa no te tautururaa ia ratou ia ora ratou i te hoê oraraa maitai a'e. E ere râ oia i te peropheta e te hi'o ana'e, ua aratai râ oia i to'na mau taata i roto i te upootiaraa i roto i te mau tama'i.

Omoni 1:23, 25; Moromona 1:13, 14; Mosia 1:1, 10; 2: 1, 8-32.

Mahana Maha (Toru)

Te mau haapiiraa e te mau tohuraa a Beniamina (*tuatiraa*)

Mosia 3:5-8; 4:1-3, 26-30; 5:1-9; 6:1-5.

Mahana Maha (Hopea)

Mahana raveraa ohipa na te mau Tuahine

TE HAAPIIRAA SABATI

No te Ava'e TIUNU

PUPU PARAIMERE

Irava tamau aau: *I Samuela 24: 19*

Ia hamani maitai mai hoi Iehova ia oe, i to oe hamani maitai ia'u i teie nei mahana.

Tiunu 2. Ua tama'i atu te tamaiti tia i mamoe i te aito. I Samuela 17:1-54.

Tiunu 9. Te tamaiti i te imiraa i te ohe. I Samuela 20.

Tiunu 16. Te 'o'e a te aito. I Samuela 21.

Tiunu 23. Te hamani maitai o Davida ia Saula. I Samuela 24.

Tiunu 30. Hi'opoaraa.

PUPU PITI

Irava tamau aau: *Exodo 20: 12*

E faatura'tu i to metua tane, e to metua vahine; ia haamaorohia to oe pue mahana i te fenua ta to Atua ta Iehova e horoa no oe na.

Tiunu 2. Mose e te horoaraa ture. Exodo 19; 20; Mataiao 19:17; Galatia 3:24.

Tiunu 9. Mose raua o Ietero. Exodo 2:15-22; 18.

Tiunu 16. Mose raua o Iosua. Exodo 32:9-26; Numera 27.

Tiunu 23. Te hopea o te haereraa i nia i te medebara. Deuteronomi 34.

Tiunu 30. Hi'opoaraa.

PUPU TORU e te MAHA

Irava tamau aau: *Genese 18: 19*

Ua ite hoi au e, e a'o â oia i ta'na tamarii, e i to'na utuafare atoa ia haapao ratou i te parau a Iehova a muri atu, i te raveraa i te parau-tia e te parau au.

Tiunu 2. Isaaka raua o Isemaela. Genese 21:1-8; 22:2-13; 21:9-21.

Tiunu 9. Te tavini no Aberahama. Genese 24:1-14.

Tiunu 16. To Isaaka e to Rebeka faaipoiporaa. Genese 24:15-67.

Tiunu 23. Iakoba raua Esau i to raua apîraa. Genese 25:21-34; 27:1-41.

Tiunu 30. Hi'opoaraa.

TE FEIA API



No te Ava'e TIUNU

Irava tamau aau: *Mataio 19:14*

E vaiho noa mai i te tamarii rii ia haere noa mai na ia'u nei, eiaha e faa-orehia'tu, mai ia ratou hoi to ta basileia ra o te ao.

Tiunu 2. TE MISIONI APOSETOLO E TA RATOU MAU OHIPA. Mataio 10:5-42; 11:2-19; 14:33; 26:26-28; 28:19; Mareko 3:14; 6:7-52; 14:22-25; Luka 9:1-17; 22:19, 20; Ioane 6:4-71.

Tiunu 9. TE TAU PATOIRAA E TE POIRI. Mareko pene 7; Mataio pene 15 e te 16.

Tiunu 16. TO IESU FAAHURU-Ê-RAA-HIA I NIA I TE MOU'A. Mataio 17:1-8; Mareko 9:2-8; Luka 9:28-36.

Tiunu 23. MAI RARO A'E I TE HIHI MAHANA I TE VAHI MARU. Luka 9:37-42; 15:3-7; 17:3-6; 18:15-17; Mareko 9:14-27; Mataio 17:14-27; 19:13-15.

Tiunu 30. Na te orometua haapii e maiti i ta'na iho haapiiraa.

TE HAAPIIRAA PARAIMERE

No te Ava'e TIUNU

Irava tamau aau: *Roma 1:16*

Aore hoi au i haama i te evanelia o te Mesia ra, no te mea, o te mana ia o te Atua, ia ora te feia atoa i faaroo ra.

MAHANA MAHA (MATAMUA)

Te Liona e te Alope

O te hoê Liona, te arii oia o te uru raau rahi ta'na e faaea ra. Ua paari oia, e ua paruparu hoi, e no reira aita i tia faahou ia'na ia haere e imi haere i te maa na'na. No reira haavare pohe ma'i atura oia e tarava noa ihora i te mau mahana atoa i roto i to'na ana. No to'na hi'oraa paruparu e ino ore hoi, ua rave rahi te mau puua o te uru raau tei haere e hi'o ia'na, e i reira ua ou'a oia i nia ia ratou e amu ihora, mai te au i to'na ihora huru mau.

I te hoê mahana haere maira te hoê Alope na pihaiho i to'na ana e faaea ihora i te hoê vahi huru atea.

Parau maira te Liona ruau ia'na, "E te Alope e, eaha oe i faaea e i parahi ai i te vahi atea na? No te aha aita oe e tomo mai na i roto i to'u nei ana no te ani mai e, eaha to'u huru, mai te hoê huiraatira e na reira i to'na fatu?"

Pahono atura te Alope, ma te parahi noa i to'na ra vahi, "Ua peapea roa vau no te mea ua pohe to oe na Hanahana i te ma'i, e ua hinaaro hoi au i te haere atu e hi'o i to oe na huru, area râ, te ite nei au e, ua rahi te tapao o te mau animala tei haere atu i roto i to oe na pare, e aita vau e ite nei i te hoê tapao no to ratou haereraa mai i rapae."

Mai te reira iho â te huru o te feia paari mau, ia ite ratou i te mau tapao no te peapea, e faateua oioi ratou.

MAHANA MAHA (PITI)

Te Ria Mata Hoe

I te hoê tau te ora ra te hoê Ria tei po te hoê o to'na mata. Te ri'ari'a noa ra oia ia haere noa mai te hoê taata auau puua oviri na te pae mata ino to'na e ia pupuhi ia'na hou to'na iteraa'tu ia'na. No reira ua amu noa oia i te maa ma te huri noa i to'na mata maitai i te pae o te fenua, te vahi ta'na e mana'o ra e haere mai oia, oia hoi, na te pae o te fenua. To'na mata i po râ, ua huri-noa-hia e ana i te pae o te miti. Te parau noa ra oia i roto ia'na iho, "I te reira ra pae, aita to'u e hoê peapea."

Area, i te hoê mahana puta ihora oia i te hoê te'a tei te'ahia mai no nia mai i te hoê poti tei nia i te miti. A tarava'i taua Ria ra i raro no te poheraa, mana'o ihora oia i roto ia'na iho, "Inaha, i teie nei, te pohe nei au, e ua tae mai taua ati ra na te pae ta'u i mana'o e, eita te hoê peapea e tae mai; e te pae ta'u i mana'o e tae mai te ati, aita ia te hoê peapea i tae mai i nia ia'u."

Te faaita mai nei teie aamu iti e, ia vai ineine noa tatou i te mau paeau atoa, no te mea ua pinepine roa te ati i te tae mai na te paeau mana'o-ore-hia.

MAHANA MAHA (TORU)

Te Luko e te Pinia Mamoe

I te hoê mahana te inu ra te hoê Luko i te pape i pihai iho i te hoê pihaa pape, e i raro rii mai te haere ra te hoê pinia mamoe na roto i taua pape ra. I to'na hi'oraa'tu i taua mea iti ra, tupu ihora to'na hinaaro ia amu ia'na, e i reira horo atura i pihaiho ia'na ma te parau atu e,

"E tena na taata faufau e! Eaha te tumu oe i faareru ai i te pape ta'u e inu nei?"

Pahono mārū atura te pinia mamoe, “E teie nei taata, nahea e tia’i ia’u ia faareru i ta oe na pape, ihaha, tei raro roa nei au, e te tahe nei hoi te pape i raro, aita rā oia e ho’i atura i nia.”

“E ere te reira te tumu mau,” o ta te Luko ia parau, o tei ineine i te imi i te mau otoheraa atoa no te opuaraa ino i roto ia’na. “Aita to oe e tia ia mārō mai ia’u, noa’tu i tei parauhia. Hoê â oe e to metua tane tei faaino mai ia’u e ono ava’e i mairi a’enei; ua ite oe i te reira; e te vahi ino roa’tu i te reira, ua tauturu oe ia’na i te na reiraraa.”

Parau faahou atura te pinia mamoe ma te rurutaina, “E teie nei taata, aita â vau i fanauhia e ono ava’e i mairi a’enei.”

Parau maira te Luko, “E ere te reira i te ohipa fifi. Ua enemi iho â to oe utuafare i to’u, e inaha, i teie nei tei roto oe i to’u nei rima, e faaufau vau ia oe i te mau ino o to oe mau fetii atoa. Eita e tia ia oe ia faaere ia’u i ta’u tamaraa na roto i ta oe parau, noa’tu te huru o te reira parau.” E i to’na parauraa i te reira parau, ou’a maira oia i nia i te pinia mamoe paruparu e hahae atura ia’na.

O te huru ia o te taata ino e te faatupu peapea, te vai noa ra ta ratou otoheraa no to ratou mau mana’o ino.

MAHANA MAHA (MAHA)

TE OREBA E TE FARII PAPE

I te hoê mahana, a poiha roa’i te hoê Oreba, ite atura oia i te hoê farii pape rahi ma te pape nainai roa i roto ra. Aita i tia ia’na ia inu i te reira no te mea ua haehaa roa te pape i roto i taua farii ra.

Tamata atura oia i te vavahi i te reira, e i muri iho, i te faatahuri, area, aita oia i manuia no te paari e te teihaha o taua farii pape ra. Noa’tu rā i te reira, te hinaaro noa ra oia i te pape i roto ra. Aita rā i maoro ite atura oia i te hoê ravea e roaa’i te reira pape ia’na, oia hoi, ua taora atura oia i te tahi mau ofai nainai i roto i te farii pape e na te reira i faateitei mai i te pape e tae noa’tu ua taehia te reira ia’na.

Noa’tu e hi’oraa fifi to te tahi mau mea ia hi’ohia, e oti iho â te reira mai te mea te vai mau ra te hinaaro ia rave i te reira.

MAHANA MAHA (HOPEA)

Na te orometua iho o te Paraimere e maiti i te hoê haapii-
raa au maitai no te reira mahana.

A Pee Mai Ia'u

UA na ô maira Iesu i ta'na mau pīpī i teie parau-haa-papu-raa na ratou, ua na ô maira oia e, *O vau te vine mau, e o tau Metua te faaapu. A ati mai ia'u, e na'u e ati atu ia outou: mai te umaa eitu e hotu noa oia ana'e ra, ia ore ia ati mai i te vine ra; e ore atoa outou ia ore ia ati mai ia'u ra. O vau te vine, o outou te amaa. O te ati mai ia'u ra e o te ati atu vau ia'na ra, oia te hotu rahi; i taa ê atu outou ia'u ra, aore roa ia e mea e tia ia outou.* Ioane 15:1, 4-6.

Ua faaite atoa Iesu i ta'na mau pīpī i te ravea no ratou. Na ô atura oia e, *O vau te e'a, e te parau mau, e te ora, aore roa e taata e tae i te Metua ra, maori râ ei ia'u.* Ioane 14:6. No reira, mai te mea e, o Iesu ia te e'a, e te parau mau, e te ora, e mea tia roa ia haapao te taata atoa o te hinaaro ia tae i te Metua i te e'a ta'na i vaiiho no tatou nei.

Ua parau mai Iesu ia tatou, ia hinaaro tatou ia'na, *A Pee Tatou Ia'na*, oia hoi, a rave tatou i te mau ohipa, e haapao atoa tatou i te mau faaueraa ta'na i faatia na tatou.

I roto i na matahiti e toru ta Iesu i rave i te ohipa orometua i te ao nei, ua faatia ihora oia i ta'na Ekalesia i nia iho i te ao nei, e ua tupu a'era ta'na Ekalesia i te rahiraa, i to'na iho anotau e i muri a'era hoi. I roto i te Ekalesia ta Iesu i faatia i mutaa ihora, ua vai te mau toro'a faatere ra, oia hoi, te diakono, te haapii, te tahu'a, te patereareha, te tahu'a rahi, te peresibutero, te episekopo, te peropheta e te aposetolo, ei faaauraa ia i te feia mo'a ra i te ohipa ra e orometua, ia tupu i te maitai te tino o te Ekalesia ra. Ia riro te taata atoa nei ei feia paari i te faaroo hoê e te ite hoê i te Tamaiti a te Atua, e ia ore ratou ia aueue noa i te mata'i ra, i tera parau e i tera parau, mai te tamarii ra, e i te ravea a te taata nei e tei paari i te mau pen atoa o te haavare ra, ia tapea maite râ i te parau mau ma te aroha, e ia tupu i te auraa'tu ia'na i te upoo ra i te Mesia, i te mau mea atoa nei. No reira, mai te mea o Iesu te upoo no ta'na Ekalesia, e mea tia roa ia faatere noa â tatou i ta'na Ekalesia mai ta'na i faatia i mutaa ihora. E ere ia i te mea tia ia faahuru ê, e a ore râ, ia faarue atu i te hoê toro'a ta'na i tuu i roto i ta'na Ekalesia, no te mea, ua oti i te papaihia, *Hoê â hoi Iesu Mesia huru, i nanahi, i teie nei mahana, e a muri noa'tu.* Hebera 13:8.

Ua faatiahia te hoho'a no te bapetizoraa mau e Iesu, na roto i to'na iho bapetizoraa hia ei ravea ia matara i ta tatou mau

hara e ia riro tatou mai te tamarii rii te huru. (*Oia mau ta'u e parau atu ia outou nei, o te ore e farii i te basileia o te Atua mai te tamarii iti ra, e ore roa'tu ia e ô i roto.*) Eei ravea atoa ia tae tatou i te basileia o te Atua. (*Ia ore te taata ia fanau i te pape e te varua e ore oia e ô i te basileia o te Atua ra.*) Mai te mea e, e noaa ia tatou te ora na roto i te ô-raa i roto i te basileia o te Atua, e mea tia roa ia ia fanauhia tatou i te pape, oia hoi, ia bapetizohia i roto i te pape, no te mea o te ravea ia e ô ai i roto i te basileia o te Atua, e ia *Pee Tatou Ia Iesu.*

Eiaha tatou e faaaano i te e'a ia tae i te basileia o te Atua, no te mea te na ô mai nei te parau a te Atua e, *E tomo na te uputa pirihaa; te atea nei hoi te uputa e te aano nei te e'a e tae atu ai i te pohe: e e rave rahi tei na reira i te tomo. Te apiapi râ o te uputa e te piri hoi o te e'a e tae atu ai i te ora, e te iti hoi o te feia i ite atu i te reira!* Mataio 7:13, 14.

No reira, e mea tia ia feruri noa â tatou: o Iesu ia te maramarama o teie nei ao, e o te pee atu ia'na ra, e ore ia e haere noa i te poiri, e maramarama ora ia to'na. (Ioane 8:12)

Papaiahia e Nile R. Chugg

A Haere Mai -- A Hi'o

A haere noa mai ia rahi tatou i te arearea, o te parauraa ia o te rahiraa o te mau hoa ta tatou e farrerei, mai tera taime e i tera taime. Oia mau, ma te parauraa e, *A hi'o na i te feia rii maamaa o te pee noa nei i te purumu o te paieti e te viivii-ore-noa! E mea fiu! Aita paha ratou i haamaramamahia i te mea e, e oraraa poto teie. Aue to ratou ati nei e! I roto noa i te pouri taotao mai te reira! E Atua parau-tia, e te maru, e te aroha noa to tatou, e ere roa râ Oia i te mea tahoo huere i te taata no te hapehape rii ta tatou e rave nei i tera hora e i tera hora. A oaoa tatou i te umere oi vai a'e te oraraa nei ia tatou!*

E a ore râ, ia tatarahia mai teie nei mau parau e hope roa'e, e riro ia e, "Ua hope te mau semeio i teravehia e te rima o te Fatu, eiaha oe e tiaturi i te parau no te semeio e te parau mana no te Varna Maitai, no te mea aore hoi e A-

tua te rave mai te reira i teie nei mahana. Ua oti ē na to'na horoaraa i te mana i te taata nei e no reira, a amu, a inu, e ia oaoa, ananahi hoi e pohe ai tatou; e e farii tatou i te maitai no te mea e maitai ia to tatou i reira. Noa'tu e hara rii ta tatou, ia mātā'u tatou i te Atua e faatia hoi oia ia tatou i te raverāa i te hara iti. Peneia'e ia tairi-rii-hia tatou eaha ia te peapea? Mai haere tatou e hi'o i te mau mea faatupu oaoa e te anaanatae."

"A haere mai, a hi'o tatou i te mau parau mo'a o tei papaibia, e ia tatara tatou i te reira mai te au i to tatou ite; mai te paari o to tatou nei mau ferurirāa e tia'i, eia oti a'e-ra, ia haapao tatou mai te au i teie nei tatararaa e tataihoē tatou i te haapii ia vetahi i te e'a mau i te basileia o te Atua. E e mārō tatou te tahi i te tahi i te parau onoono i nia i taua mau tatararaa ra. Oia ia, e haamatāro maite tatou i te parau e, 'A mātā'u i te Atua, e faatia rā Oia ia tatou i te raverāa i te hara iti; oia ia, ia haavare rii, ia faahapa i te tahi no ta'na parau ia ô i te apoo no to tatou taata tupu; e ere te reira i te hara. Ia rave hoi tatou i teie mau mea atoa, ananahi hoi e pohe ai tatou; e mai te mea e hara ta tatou, e papai mai te Atua ia tatou i te tairirāa iti, e i te hopea ra, e faaorahia'i tatou i te basileia o te Atua.'"

Te faaite mai nei rā te parau mo'a tei papaibia e, "E te mahu pōiri ra, o te mau faahemaraa ia a te diabolō o te haapōiri i te mata e te faaetaeta hoi i te aau o te tamarii a te taata nei; e te aratai hoi ia ratou na te e'a aano ia pohe ratou e ia moe roa'tura—Oia ia, ua faarue paatoa ratou i te e'a, e ua ino ratou—E te feia paari, o te feia ite, e te feia tao'a rahi, e ratou atoa tei faahaaha ia ratou iho i te teoteo o to ratou iho aau, e ratou atoa te haapii i te parau haavare, e ratou atoa te faaturi, e te haapi'o i te e'a tia o te Fatu; Atae, atae, atae hoi ratou, te na reira maira te Fatu, te Atua Puai hope, no te mea e hurihia ratou i raro i hade." (I Nephi 12:17; II Nephi 28:15)

E hi'o hoi tatou i te mau parau a Iesu i roto i te Ioane 1:39 i te na ôraa e, *A haere mai, a hi'o*. E pahonora te reira i te anirāa o na taata ia'na i te vahi no to'na tiaraa. Ua pee raua ia'na; faaea ihora i o'na rā; riro maira raua ei pīpī no'na ra. No te mea ua haapao mau raua, mai te faarue i ta raua upea, e te obipa tai'a, e ta raua mau peu au ore

i te parauraa o Iesu e, *A pee mai ia'u, e faariro vau ia orua ei ravaai taata.* (Mataio 4:19) Oia mau â, ia pee tatou Ia'na ma te tuu i ta'na ohipa i mua, i roto i to tatou mau rave-raa, e ora'i tatou—*Inaha ra, mai te mea e tatarahapa to te ao nei i to ratou ino e to ratou faufau, e ore ia ratou e pohe, te na reira maira te Fatu sabaota.* II Nephi 28:17.

Ia haehaa tatou e tia'i!

Mai, a haere tatou, e tatarahapa, a hi'o tatou i te basileia o te Atua!

Papahia e Uela C. Hunting

Mai Te Hoê Ma Te Mana

UA tae mai Iesu i te ao nei no te tuuraa mai i te hoho'a o te oraraa maitai i mua i to'na feia. Ua haapii atu oia ia ratou ra i te ravea no te fariiraa i te hanahana teitei o te Atua. Ua haapii atu oia i to'na feia, mai te au i te hinaaro o to'na Metua. Ua faaite mai oia, na roto i ta'na haapii-raa, i to'na mana i tera taime e i tera taime.

Te vai noa nei â te mana o te faatereraa o te Fatu i roto i te rima o te Autahu'araa. Ua vai te faaiteraa i roto i te Bibilia i te huru o te faautu'araa i te taata i rave i te ohipa ma te mana ore. E nehenehe ia tatou ia feruri i nia iho i te aamu o te haapao-ore-raa o te arii ra o Uzia. (II Paraleipomeno 26:18-20) Ua haere oia i roto i te hiero e ua tamata oia i te rave i te ohipa a te Atua ma te mana ore, oia hoi, te Autahu'araa, e mai te au i te haereraa o te aamu, tairihia ihora o Uzia ma te tupuraa i te ma'i lepera, no te raveraa i te ohipa a te Atua ma te mana ore. Ua rave noa râ te mau taeae o Aarona i te ohipa i roto i te hiero ma te peapea ore, no te mea te vai noa ra te mana no te raveraa i te reira ohipa i rotopu ia ratou.

Te faaite mai nei te Bibilia no na Autahu'araa e piti, te Autahu'araa iti e te Autahu'araa rahi. Te Autahu'araa a Aarona, o te Autahu'araa iti ia, no te mea tei raro a'e ia Mose te ohipa i ravehia e ana, e no te mea tei ia Mose te Autahu'araa teitei. E ere te faufaa o te mana o Aarona i te mea iti roa, area râ, tei raro-rii-a'e te mana o Aarona i to Mose. Te vai ra te faaiteraa i roto i te Bibilia mai teie te huru—Ua iriti te Atua ia Mose no nia i te ao nei, area râ, ua vaiho oia i te Autahu'araa; oia hoi, te mana o Aarona i te ao nei, e e riro ia ei haapapuraa i te vairaa o na Autahu'araa e piti i te

ao nei i tera tau.

Ua haapii atu Iesu i te vai-noa-raa o te mana no te raverāa i te ohipa a te Atua i roto i te Autahu'araa. Ua haapii atu oia i te huru no te mau toro'a i roto i te Autahu'araa atoa. Ua faaite atu oia i te vai-noa-raa o te faufaa i roto i te tahi mau toro'a tei roto i te Autahu'araa. I rotopu i te mau toro'a ta Iesu i faatia te vai ra te diakono, te haapii, te taha'u'a, te peresibutero, te hitu ahuru, e te patereareha. Ua haapii atu oia i te vai-noa-raa o te tahi mana i roto i te tahi toro'a no te raverāa i te tahi mau ohipa. Ua tuu mai oia i te hoho'a i rotopu i te feia, no reira, e ite papu te feia i te vairaa i te mana o te Autahu'araa.

Ua haere Iesu i rotopu i te feia, haapii atura oia ia ratou ra i te mau semeio, oia hoi, te ohipa i roto i te mana o te Autahu'araa tei mauhia e Ana. Ua ite tatou e, te vai noa ra te mana no te faatiaraa i te taata pohe i roto ia'na. Ua vai noa taua mana ra i roto ia'na no te tiavaruraa i te demoni, e ua vai noa te mau mana atoa i roto ia'na. I roto i ta'na a'oraa i tuu mai ai Iesu i te faaiteraa i te rahiraa o te mana i roto ia'na ra. Ua a'o atu oia i te hoê taimē i te hoê amuiraa i nia i te mou'a. Ua faaite mai o Mataio i roto i ta'na evanelia mai teie te huru: *I haapii hoi oia ia ratou ma te mana, e ere mai ta te mau papai parau ra.* (Mataio 7:29)

I roto i te mau parau ra i roto i te Bibilia, e i te mau parau i a'ohia e Iesu, ua ite noa tatou i te vai-noa-raa o te mana no te raverāa i te ohipa a te Atua i roto i te Autahu'araa ra.

Papaihia e Lavora C. Chapman

Faaorahia E Te Evanelia

Ua reva'tu te pōiri e ua tae mai te maramarama. Aita ta roa'tu te hoê ohipa i ravehia i te ao nei, mai te tau o Iesu e tae roa mai i teie tau hopea nei, e tia ia faaauhia i te ohipa i ravehia e te peropheta ra o Iosepha Semita, e ua maururu tatou no to'na maitiraahia i to'na apîraa, i faaûrûhia, i haapihia e i haamaramarama-atoa-hia na roto i te orama, te heheuraa parau, e te moemoea, no te mau ohipa rahi tei vai i mua ia'na ra; e no te mea ua nehenehe ia'na ia faaoromai i te mau hamani-ino-raa e te mau faahe maraa tei vai noa i mua ia'na ra.

E mai ia Iesu i te huru, i te otiraa o ta'na mau ohipa, ua faaite papu mai oia i to'na aroha rahi ia tatou nei, e i to'na

māta
titiro
ore-f
haapi
nelia
Te
ia'u r
leia r
i te a
ra, E
i'oa,
parau
Mata

E
tao'a
te pē
e, e
faa c
tu i t
E
raut
tou.

E
râ ia
paih
mait
te ia
Atua
tena
te A
outo
I Pea

I
Mah
mau
ia ta
mau

BA

He
Le
Te

māta'u rahi i te Atua ra, ua horoa oia i to'na oraraa, e ua titirohia ta'na ohipa e to'na iho toto e e ore roa te reira e faa-ore-faahou-hia. E nehenehe ia ia tatou paatoa, na roto i te haapao-maitai-raa i te mau ture e te mau faaueraa o te eva-nelia nei ia noaa te ora mure ore.

Te na ô maira te parau mo'a e, E ore te feia e parau mai ia'u ra e, E te Fatu, e te Fatu, e hope paatoa i te tae i te basi-leia ra o te ao, o te taata râ i haapao i te hinaaro o tau Metua i te ao ra. E rave rahi te parau mai ia'u ia tae i taua mahana ra, E te Fatu, e te Fatu, e ere anei ua haapii matou ma to oe i'oa, e ua rave i te semeio e rave rahi i to oe i'oa? O ta'u ia e parau atu, Aita roâ vau i ite ia outou, e te feia rave parau ino. *Mataio 7: 21-23.*

E rave rahi te mau taata e haaputupu-tu nei i ta ratou mau tao'a i roto i te afata vairaa e i te vahi e pau ai i te huhu e te pê, i te vahi e tomohia'i e e eiâhia'i e te eiâ, ma te mana'o e, e mau taata ona roa ratou. Ia pohe râ ratou, e mea fau-faa ore roa ia taua mau mea ra, aita ia e nehenehe ia afai a-tu i te reira i nia i te ra'i, e no reira, ua veve roa ratou i te ao.

E mata na râ outou i te imi i te basileia o te Atua, e te pa-rautia na'na ra; e amui-atoa-hia mai taua mau mea ra ia ou-tou. *Mataio 6: 33.*

E nahea râ tatou i te imiraa i te basileia o te Atua, maori râ ia haapao tatou i te parau a Petero, mai te au i tei pa-paihia i raro nei, O outou atoa hoi, e te feia apî ra, e auraro maitai outou i te feia paari. E o outou atoa hoi e auraro mai-te ia outou iho, e ia faaahuhia outou i te haehaa; e patoi hoi te Atua i tei teoteo, e horoa maira i te maitai no tei haehaa. E tena na, e faahaehaa ia outou iho i raro a'e i te rima mana o te Atua, ia faateitei oia ia outou i te tau mau ra. E huri i to outou ahoaho atoa i nia ia'na; oia hoi te tia mai ia outou. *I Petero 5: 5-7.*

I roto i te Ekalesia a Iesu Mesia i te Feia Mo'a i te Mau Mahana Hopea Nei, te vai nei te mana mau o te Atua, te mau toro'a, te mau oro'a mo'a e te mau taviri, e ua tia ia ia tatou, te Feia Mo'a ia parau e, Te rave nei tatou i te ohipa mau a te Atua. E ia na reira noâ tatou i nia i te ao e maitai ai.

Papaihia e Pereti B. Asay

PARAU API ORC'A

BAPETIZORAA

I'OA	MAT.	MAH. BAP.	FENUA	NA VAI I BAPETIZO
Henaïma â Taumata	8	11-2-40	Takaroa	Tekehu â Tetoka
Leon A. Hiro Bonnet	8	3-3-40	Papeete	Iosepha Stevens
Terii â Temataua	8	17-3-40	Moorea	Ioane Richards

TE MAU PARAU API

Mai te au i te parau a te taata ra o Dr. Isabela Garice te vai noa nei â te mau ati o te Bibilia i nia i te fenua Aiphiti, no te mea e taata faatere oia te ohipa hi'opoaraa ma'i i te oire ra o Cairo. Mai te au i ta'na parau, i te mau ava'e Atete atoa, mai i te tau o Mose ra, e riro te anavai rahi ra o Nile mai te toto i te huru i te uteute, no te rahi o te araea i roto i te pape ra. Noa'ua e, ua ite to Aiphiti e, ia inu i te reira e titauroa ia i te ma'i e te pohe, te noa nei â ratou i te reira no te mea te tiaturi noa nei ratou e, e hinahina te rouru e e faa-ruau-oioi-hia te taata hou to'na tau mau ra. E afai-atoa-mai ta ua pape uteute ra i te ma'i fefe, e ua rahi te tamarii tei noaa i te 20 fefe nia i te tino e te mata atoa hoi. Ia haamata râ te pape i te maro, e apeehi mai te ma'i fefe i te ati rana, te mau ra'ô e te pohe i nia i te mau tamarii rii. E te ite-atoa-hia nei na mahana poiri e toru, i te pae i nia i Aiphiti, no te mea i reira, e tae te ati one tei puhihia e te mata'i i na mahana e toru i te maoro

No te fifi i te herepata e te pupuhi i te luko, ua imi te mau Eskimo i te ravea ia taparahi te luko ia'na iho. No reira e rave ratou i te hoê tipi oi matai te paraihia i te toto e e tuu ratou i te aufau o te reira i roto i te hiona paari ia mau maitai. Ia hau'a te luko i te toto e haere mai oia e miti i te tipi. No te rahi o te hinaaro o te luko i te toto, eita oia e ite ua motu to'na area e te toto ta'na e amu ra, o to'na iho ia toto. E i te hopea e pohe oia no te paura o to'na toto.

E tia i te tuturahonui ia ora i roto i te hoê mohina tei oroi-maitai-hia i matahiti e 5, e ia tuuhia oia i rapae, ua aifaito noa to'na vitiviti i te mata tamua ra.

Ua itehia te ra'ô rahi roa a'e i te ao nei i te fenua America Apatoa, e e ta oia i te piti initi i te roa.

Ua tano maitai te mana'ô tei vai i roto i te mau fenua e rave rahi, aita ra'ô e au maitai i te peni ninamu. Te rahiraa o te mau fare ma'i i Farani, ua penihia ia i te peni ninamu pape, e i roto i te mau fare raveraa ohipa e te mau fare tupairaa puatoro i Danemata, ua penihia ia i te peni ninamu no te faahororaa i te ra'ô. Ua ite te hoê taata hamani fare no Baretane e, ia penihia te piha tunuraa maa i roto i te peni ninamu pape ra, e tiahi te reira i te mau manumanu atoa ra i rapae. I te tahi mau tufaa o te fenua America Apatoa e i te fenua Initia, aita e rave-faahou-hia te niuniu varavara no te parururaa i te ra'ô ia ravehia te peni ninamu no te faaunaunaraa i te fare.

Eaha te tere o te rima o te hoê taata moto? Mai te au i te mau faito i te tohia i roto i te hoê fare imiraa mea paari, ua itehia e, e tere te rima o te hoê taata moto tei tae to'na faito i te 95 kilo, mai te huru ra e 40 maila te hora.

Marcel Bonnet, Gérant

Kenneth R. Stevens, Imprimeur

O. Rudeen Allred, Éditeur de la Mission

Ralph J. Richards Assistant Éditeur

Neneihia e te MISIONI TAHITI no te Ekalesia a Iesu Mesia i te Feia Mo'a i te Mau Mahana Hopea Nei. Orovini, Papeete, Tahiti.

Te hoo: \$ 5 farane i te matahiti; e 10 farane no na matahiti e toru.